

戴淑慎女士編纂

分類
評注

古今女子文庫

上海大陸圖書公司發行

4205

Bw48

分類評注

古今女子文庫卷之三

詔令類

詔二十一首

古者凡上告下之詞皆謂之詔。如周之文王有詔牧。及詔太子發二篇。是其濫觴矣。至後世則專屬之王言。其文辭之斐然可觀者。要不得不推兩漢諸作爲首屈一指也。

漢元王后賜公孫弘子孫當爲後者爵詔

元王后字政君。魏郡元城人。元帝后生成帝哀帝。尊爲皇太后。王莽篡漢。更命爲新室文母。

太皇太后詔大司徒大司空。蓋聞治國之道。富民爲始。富民之要在於節儉。孝經曰。安上治民。莫善於禮。禮與其奢也。寧儉。昔者管仲相齊桓。霸諸侯。有九合一匡之功。而仲尼謂之不知禮。以其奢泰侈擬於君故也。夏禹卑宮室。惡衣服。後聖不循。由此言之。始之盛也。德優矣。莫高於儉儉化俗。民則尊卑之序得而

骨肉之恩。親爭訟之原。息斯乃家給人足。刑措之本也。歟。可不務哉。夫三公者。百寮之率。萬民之表也。未有樹直表而得曲影者也。孔子不云乎。子率以正。孰敢不正。舉善而教。不能則勸。維漢興以來。股肱宰臣。身行儉約。輕財重義。較然著明。未有若故丞相平津侯公孫弘者也。位在丞相。而爲布被。脫粟之飯。不過一肉。故人所善賓客。皆分奉祿以給之。無有所餘。誠內自克約。而外從制。汲黯詰之。乃聞於朝。此可謂減於制度而可施行者也。德優則行。否則止。與內奢泰。而外爲詭服。以釣虛譽者。殊科。孝武皇帝卽制曰。賞有功。褒有德。善善惡惡。君宜知之。其省思慮。存精神。輔以醫藥。賜告治病。牛酒雜帛。居數月有瘳。視事至元狩二年。竟以善終於相位。夫知臣莫若君。此其效也。弘子度嗣爵。後爲山陽太守。坐法失侯。夫表德章義。所以率俗厲化。聖王之制。不易之道也。其賜弘後子孫之次。當爲後者。爵關內侯。食邑三百戶。徵詣公車。上名尙書。朕親臨拜焉。

氣息淵深。局度安詳。不失西京風格。

刑措

謂民不犯法刑廢而不用也(史記)成

三公

西漢時以大司馬大司徒大司空謂之三公

脫粟

謂粗米僅脫稃殼不精鑿也(

漢書本傳弘身
食一肉脫粟飯

漢元王皇后非坐不道無得繫婦女老弱詔

蓋夫婦正則父子親人倫定矣前詔有司復貞婦歸女徒誠欲以防邪僻全貞信及眊悼之人刑罰所不加聖王之所制也惟苛暴吏多拘繫犯法者親屬婦女老弱搆怨傷化百姓苦之其明敕百寮婦女非身犯法及男子年八十以上七歲以下家非坐不道詔所名捕它皆無得繫其當驗者卽驗問定著令前半氣度雍容入後則斬釘截鐵語有斷制自是詔制正軌

漢元王皇后置宗師詔

蓋聞帝王以德撫民其次親親以相及也昔堯睦九族舜惇叙之朕以皇帝幼年且統國政惟宗室子皆太祖高皇帝子孫及兄弟吳頃楚元之後漢元至今十有餘萬人雖有王侯之屬莫能相糾或陷入刑罪教訓不至之咎也傳不云乎君子篤於親則民興於仁其爲宗室自太上皇以來族親各以世氏郡國置宗師以糾之致教訓焉二千石選有德義者以爲宗師考察不從教令有寃失

職者。宗師得因郵亭書言。宗伯請以聞。常以歲正月。賜宗師帛各十匹。

九族

有廣狹之別（白虎通）以父族四母族三妻族二爲九族（喪服小記鄭注）以本宗之高祖至玄孫間爲九族尙書注解及近世學者多從此說明律及清時現行律之服制圖均以高

祖至玄孫爲同宗親屬之範圍其云九族者以自已爲本位直系親自由已上推至四世之高祖更由已下推四世之玄孫爲止旁系親則由已橫推至三從兄弟而止蓋以族兄弟再從兄弟堂

兄弟兄弟同爲高郵亭傳送文書所祖四世之孫故也止之處也

漢元王皇后褒中山孝王衛后詔

中山孝王后深分明爲人後之義。條陳故定陶傳太后丁姬諄天逆理。上僭位號。徙定陶王於信都。爲共王立廟於京師。如天子制。不畏天命。侮聖人言。壞亂法度。居非其制。稱非其號。是以皇天震怒。火燒其殿。六年之間。大命不遂。禍殃仍重。竟令孝哀帝受其餘災。大失天心。天命暴崩。又令共王祭祀絕廢。精魂無所依歸。朕惟孝王后深說經義。明鏡聖法。懼古人之禍敗。近事之殃咎。畏天命。奉聖言。是迺久保一國。長獲天祿。而令孝王永享無疆之祀。福祥之大者也。朕甚嘉之。夫褒義賞善。聖王之制。其以中山故安戶七千。益中山后湯沐邑。

篇中以天命與聖人之言爲主幹。自始迄終。一絲不亂。於此可悟作文之法。

傅即古天祿

謂受於天之祿籍也。書
悔字天祿。四海困窮。天祿永終。

湯沐邑

古者天子於諸侯。賜以湯沐之邑。使其
其邑之所入。爲湯沐之資。漢時猶行之。

後漢明德馬后辭封舅氏詔

明德馬后。漢明帝之后。伏波將軍援之小女也。少喪父母。年十歲。幹理家事。敕制僮御。內外諮稟。事同成人。年十三。以選入太子宮。能誦易。好讀春秋。楚詞。尤善周官。董仲舒書。

外戚橫恣。爲世所傳。永平中。常自簡練。知舅氏不可恣。不令在樞機之位。今水旱連年。民流滿道。致有飢餓。而施封拜。失宜不可。且先帝言。諸王財令半楚。淮陽王吾子。不當與光武帝子等。今奈何欲以馬氏比陰氏乎。吾自束脩。冀欲上不負先帝。下不虧先人之德。身服大練。縑裙。食不求所甘。左右旁人。皆無香薰之飾。但布帛耳。如是者。欲身率衆也。以爲外親見之。當傷心自克。但反共言。太后素自喜儉。前過濯龍門上。見外家問起居。車如流水。馬如龍。蒼頭衣綠。直領領袖正白。顧視旁御者。遠不及也。亦不譴怒。但絕其歲用。冀以默止。謹耳。知臣莫若君。况親屬乎。人之所以欲封侯者。欲以祿食養其親。奉修祭祀。身溫飽耳。

今祭祀則受大官之牲。郡國既珍司農黍稷。身則衣御府之餘繒。尙未足耶。必當得一縣。上令長樂宮有負言之責。內亦不愧於世俗乎。

有舊典。舅氏一人封也。吾非謙而不爲。誠昧所可耳。今水旱連年。民流滿道。至有餓餒者。而欲施封爵。上行之爲失政。民受之爲喪軀。不可明矣。先帝嘗言。諸王財令半楚。淮陽吾子。不當與光武帝子等。今何以馬氏比陰氏乎。且陰衛尉天下稱之。省中御者出。不及履而至門。此遽伯玉之敬也。又有好賢下士。吐握之名。親陽侯雖剛強微失理。然有方略。據地談論。一朝無雙。原鹿貞侯勇猛誠信。此三人者。天下選臣。豈可及哉。馬氏不及陰氏遠矣。吾不才。夙夜累息。常恐虧先后之法。有毛髮之罪。吾不釋也。言之不舍晝夜。而親族犯之不止。治喪起墳。又不時覺。是吾言之不立。耳目之塞也。吾萬乘主。身服大練。食不求甘。左右旁人。無香薰之飾。衣但布帛。如是者。欲以身率服衆也。以爲外親見之。當傷心自刻。但發笑言。太后素好儉。前過濯龍門上。見外家車如流水。馬如龍。吾亦不譴怒之。但絕其歲用。冀以默媿其心。而猶驚怠。無憂國忘家者。知臣莫若君。况

親屬乎。

凡言事者。皆欲媚朕以要福耳。昔王氏五侯。同日俱封。其時黃霧四塞。不聞澍雨之應。又田蚡竇嬰。寵貴橫恣。傾覆之禍。爲世所傳。故先帝慎防舅氏。不令在樞機之位。諸子之封。裁令半楚。淮陽諸國。常謂我子不當與先帝子等。今有司奈何欲以馬氏比陰氏乎。吾爲天下母。而身服大練。食不求甘。左右但着布帛。無香薰之飾者。欲身率下也。以爲外親見之。當傷心自敕。但笑言太后素好儉。前過濯龍門上。見外家問起居者。車如流水。馬如游龍。蒼頭衣綠襦。領袖正白。顧視御者。不及遠矣。故不加譴怒。但絕歲用而已。冀以默媿其心。而猶懈怠。無憂國忘家之慮。知臣莫若君。况親屬乎。吾豈可上負先帝之旨。下虧先人之德。重襲西京敗亡之禍哉。

按此詔凡三見。第一篇見續列女傳。第二篇見袁宏後漢紀。第三篇見後漢書本紀。就中詞句。間有出入。且詳略不同。茲特並錄之。以資參攷。

陰氏

即陰麗華。後漢光武帝后。南陽新野人。初帝以后雅性寬仁。欲崇以尊位。后固辭。以郭氏有子終不肯當。故遂立郭皇后。建武四年。從征彭寵。生顯宗。十七年。郭后廢。遂立爲皇后。

蒼頭（禮記疏）漢家僕隸謂蒼頭以蒼巾爲飾異於民也後世亦沿稱之王氏五侯漢成帝時外戚王氏握權王鳳五弟譚尚立根逢同日爲烈侯世稱王氏五侯田

蚡漢長陵人好儒術武帝時爲太尉封武安侯後爲丞相傾陷竇嬰灌夫殺之竇嬰漢景帝時爲詹事七國平嬰與有功封魏其侯喜賓天下游士多歸之後灌夫罵坐得罪嬰銳

爲救曰侯自我得之自我捐之無所恨竟以受誅有司即官吏古代設官分職事各有其專司故謂之有司

後漢明德馬后報章帝重請封諸舅詔

吾反覆念之思令兩善豈徒獲謙謙之名而令帝受不外施之嫌哉昔竇太后

欲封王皇后之兄丞相條侯言受高祖約無軍功非劉氏不侯今馬氏無功於

國豈得與陰郭中興之后等邪常觀富貴之家祿位重疊猶再實之木其根必

傷且人所以願封侯者欲上奉祭祀下求溫飽耳今祭祀則受四方之珍衣食

則蒙御府餘資斯豈不足而必當得一縣乎吾計之熟矣勿有疑也夫至孝之

行安親爲上今數遭變異穀價數倍憂惶晝夜不安坐臥而欲先營外封違慈

母之拳拳乎吾素剛急有胸中氣不可不順也若陰陽調和邊境清靜然後行

子之志吾但當含飴弄孫不能復關政矣

後漢明德馬后詔三輔

諸馬婚親。有囑託郡縣干亂吏治者。以法聞。

寥寥數字。極有斷制。

後漢和熹鄧后減服御詔

鄧后名緩。太傅鄧禹之孫。六歲能書史。十二通詩論語。諸兄每讀經傳。輒下意難問。志在典籍。不問居家之事。母常非之。曰。汝不習女工。以供衣服。乃更務學。甯當舉博士耶。后重違母意。晝脩婦業。暮習經典。家人號曰諸生。十六選入宮。爲貴人。陰后廢。和帝立爲皇后。

自夏以來。陰雨過節。燠氣不效。將有厥咎。思惟慙失。深自克責。寤寐憂惶。未知所由。昔夏后惡衣服。菲飲食。孔子曰。吾無間然。今新遭大憂。且歲節未和。徹膳損服。庶有補焉。其減大官導官尙方內署。諸服御珍膳靡麗難成之物。後漢和熹鄧后遣掖庭宮人詔

詔司徒大司農長樂少府曰。朕以無德。佐助統政。夙夜經營。懼失厥衷。思維治道。由近及遠。先內後外。自建武之初。以至於今。八十餘年。宮人歲增。房御彌廣。

又宗室坐事沒入者。猶託名公族。甚可愍焉。今悉免遣。及掖庭宮人。皆爲庶民。以抒幽隔鬱滯之情。諸官府郡國王侯家奴婢。姓劉及疲癯羸老。皆上其名。務令實悉。

藹然仁人之言。

掖庭

宮中旁舍也。後宮嬪妃所居之地。別於正宮而言。

後漢和熹鄧后舉隱逸大儒詔

易稱天垂象。聖人則之。又云。聖人之情。見於辭。然則文章之作。將以幽讚神明。變暢萬物。秦燔詩書。禮壞樂崩。大漢之興。拾而弘之。至乎元康五鳳之間。英豪四集。文章煥炳。六經之學。於斯爲盛。自頃以來。學者怠惰。遂以陵遲。宜令公卿中二千石。各舉隱逸大儒。碩德高操。以勸後進。

漢代崇儒術。故東漢之氣節。一時稱盛。鄧后以婦人。能見及此。誠不讓孝明帝等專美於前也。

後漢和熹鄧后檢敕外戚詔

每覽前代外戚賓客假借威權輕薄認諂至有濁亂奉公爲人患苦咎在執法懈怠不輒行其罰故也今車騎將軍隲等雖懷敬順之志而宗門廣大姻戚不少賓客姦猾多干禁憲其明加檢敕勿相容護

入手卽抉出其致弊之由深得扼要之法

認諂
言急遽也

後漢和熹鄧后詔河南尹鄧豹等

吾所以引納羣子置之學官者實以方今承百王之敝時俗淺薄巧僞滋生五經衰缺不有化導將遂陵遲故欲褒崇聖道以匡失俗傳不云乎飽食終日無所用心難矣哉今末世貴戚食祿之家溫衣美食乘堅驅良而面牆術學不識臧否斯故禍敗所從來也永平中四姓小侯皆令入學所以矯俗厲薄反之忠孝先公旣以武功書之竹帛兼以文德教化子孫故能束脩不觸羅網誠令兒童上述祖考休烈下念詔書本意則足矣其勉之哉

委婉動聽是家人婦子晤談口氣不類詔令之文

面牆（書）不學牆面（注）人而不學其猶正牆面而立必無所見

後漢和熹鄧后災病赦天下詔

朕以無德託母天下而薄祐不天早罹大憂延平之際海天元元厄運危於累卵勤勤苦心不敢以萬乘爲樂上欲不欺天愧先帝下不違人負宿心誠在濟度百姓以安劉氏自謂感激天地當蒙福祚而喪禍內外傷痛不絕頃以廢病沈滯久不得侍祠自力上原陵加欬逆唾吐遂至不解存亡大分無可奈何公卿百官其勉盡忠恪以輔明庭毋忽

朱言如曰鄧后疵處不少惟文章猶是漢官威儀

累卵

以卵重累則易仆喻危險也（漢書）而欲乘累卵之危走上天之難

侍祠

（漢書）諸侯王列侯使者侍祠天子所獻祖宗之廟蓋猶言助祭也

後漢和熹鄧后褒錄王渙詔

夫忠良之吏國家所以爲理也求之甚勤得之至寡故孔子曰才難不其然乎昔大司朱邑右扶風尹翁歸政迹茂異令名顯聞孝宣皇帝嘉歎愍惜而以黃金百觔策賜其子故洛陽令王渙秉清修之節蹈羔羊之義盡心奉公務在惠

民功業未遂。不幸早世。百姓追思。爲之立祠。自非忠厚之至。孰能若斯者乎。今以渙子石爲郎中。以勸勞勤。

由尹翁歸說到王渙。是一種借賓定主之法。

羔羊

詩召南篇名。喻卿大夫有潔白之行。進退有度數也。後世以爲稱美賢士大夫之稱。

後漢和熹鄧后薦時食詔

凡供薦新味。多非其節。或鬱養強。熱或穿掘萌芽。味無所至。而夭折生長。豈所以順時育物乎。傳曰。非其時不食。自今當奉祠陵廟。及給御者。皆須時。迺上區區一薦食之舉。不憚諄諄告戒。孟子所謂親親而仁民。仁民而愛物者。鄧后殆欲實行斯義矣。

後漢順烈梁后稟窮弱葬枯骸詔

梁后諱嬀。順帝后。冲帝質帝時。俱以皇太后臨朝秉政。及桓帝立。始歸政。九江廣陵二郡。數離寇害。殘夷最甚。生者失其資業。死者委屍原野。昔之爲政。一物不得其所。若己爲之。况我元元。嬰此困毒。方春戒節。賑濟乏戾。掩骼埋胔。

之時。其調比郡。見穀出稟窮弱。收葬枯骸。務加埋卹。以稱朕意。

風格與漢文帝元年議振貸詔相似。

見穀

猶見糧謂現有之穀也

後漢順烈梁后嚴選舉詔

孝廉廉吏。皆當典城牧民。禁姦舉善。興化之本。恆必由之。詔書連下。分明懇惻。而所在翫習。遂至怠慢。選舉乖錯。害及元元。頃雖頗繩正。猶未懲改。方今淮夷未殄。軍師屢出。百姓疲悴。困於徵發。庶望羣吏。惠我勞民。蠲滌貪穢。以祈休祥。其令秩滿百石。十歲以上。有殊才異行。乃得參選。職吏子孫。不得察舉。杜絕邪僞。請託之原。令廉白守道者。得信其操。各明守所司。將觀厥後。

極意修飾。詞句已與西京渾厚之風有閒。

淮夷

指淮河南北近海之夷

後漢順烈梁后葬死者詔

朕攝政失中。災眚連仍。三光不明。陰陽錯序。監寤寐歎。疚如疾首。今京師廡舍。

死者相枕。郡縣阡陌。處處有之。甚違周文掩骼之義。其有家屬而貧無以葬者。給直人三千。喪主布三四。若無親屬。可於官墪地葬之。表識姓名。爲設祠祭。又徒在作部。疾病致醫藥。死亡厚埋藏。民有不能自振及流移者。稟穀如科。州郡檢察。務崇恩施。以康我民。

引咎自責。而愛民之隱衷。自流露於言外。

官墪

墪與墪同。官墪地。謂河邊官家之隙地也。

後漢順烈梁后臨終遺詔

朕素有心下結氣。從間以來。加以浮腫逆害飲食。寢以沈困。比使內外勞心。請禱。私自忖度。日夜虛劣。不能復與羣公卿士共相終竟。援立聖嗣。恨不久育。養見其終始。今以皇帝將軍兄弟委付股肱。其各自勉焉。

遺詔多臣下所代擬。此文或由自作。

股肱

(書)帝曰。臣作朕股肱耳目。(左傳)君之卿佐。是謂股肱。

晉褚后答請臨朝詔

后名蒜子。河南陽翟人。褚裒之女。康帝之后。好佛知書。穆帝孝武帝時。俱以太后臨朝稱制。當五胡擾亂。國家艱難之際。歸政詔下之詞。多出手詔。見於晉書。

帝幼冲。當賴羣公卿士。將順匡救。以酬先帝禮賢之意。且是舊德世濟之美。則莫重之命不墜。祖宗之基有奉。是其所以欲正位於內而已。所奏懇到。形於翰墨。執省未久。以悲以懼。先后允恭謙抑。思循坤道。所以不距羣情。固爲國計。豈敢執守冲闇。以違先旨。敬卽從所奏。

言雖質直不文。然却能將不得已而稱制之意。曲曲傳出。故自可傳。

將順匡救

(孝經)將順其美。匡救其惡。(注)將順謂順而行之。匡救謂救正之也。

晉褚后歸政詔

昔遭不造。帝在幼冲。皇緒之微。眇若贅旒。百辟卿士。悉遵前朝。勸喻攝政。以社稷之重。先代成義。僉俛聽從。弗遑固守。仰憑七廟之靈。俯仗羣后之力。帝加元服。禮成德脩。當陽親覽。臨御萬國。今歸事反正。一依舊典。